

Glossary para Kinobren Hinemlo yan Tetmiun Medikat Siha

- Esti glossary ha dififina megai sesso ma usa na tetmiu siha, lao ti kabales na lista. Esti siha na tetmiun glossary yan definision siha man ma intende para edukasionat yan sina kasi difrensiao yan i tetmiu siha yan definision siha gi halom iyo-mu [planu](#) osino [siguridat hinemlo](#) na policy. Guaha gi entre esti siha na tetmiu kasi ti man gof parehu i kume ilek-niha yanggen ma usa gi halom iyo-mu policy osino [planu](#), yan gi palu kaosa, i policy osino [planu](#) man gobebietna. (Atan iyo-mu Kadada' na Sinangan i Benefisiu Siha yan Kinobre para infotmasyon pot taimanu para un fanuli kopian iyo-mu policy osino [planu](#) dokumento siha.)
- [Ma raya papa](#) text ha indika i tetmiu ni ma defina gi halom esti na Glossary.
- Atan pahina 6 para un ehemplo ni a'annok taimanu [deductibles](#), [coinsurance](#) yan [limiten sin hiyon-i-boksa siha](#) man macho'cho' gi magahet na sichuasion lina'la.

Ma Sedi na Kinantida

Estague i mas tat kilo na apas nai i [planu](#) para u apasi para man ma kobre na setbisiun inadahan hinemlo siha. Sina lokkue ma fana'an "nombrayon na gasto," "sinedin apas," osino "ma negosiu na kosta."

Apela

I rikuesta nai iyo-mu siguridat hinemlo osino [planu](#) para u ribisa i disision nai ha renunsia i benefisiu osino apas (maseha enteramente osino gi patte).

Balansia na Kubransa


Yanggen i [man pribeniniyi](#) ha kubransa hao para i tete'nan na balansian i kubransa nai iyo-mu [planu](#) ti ha kobre. Esti na kinantida sa i difrensia gi entalo i prifekto ma kubransa na kinantida yan i [ma sedi na kinantida](#). Pot ehemplo, yanggen i iyon man pribeniniyi tinigon sa \$200 yan i ma sedi na kinantida sa \$110, i man pribeniniyi sina ha kubransa hao para i tete'nan \$90. Masusesedi esti gi sesso yanggen un li'e i [man pribeniniyi san hiyon-i-network](#) ([non-preferred na man pribeniniyi](#)). I [man pribeniniyi network](#) ([preferred na man pribeniniyi](#)) sina kasi ti u balansia na kubransa hao para man ma kobre na setbisiu siha.

Kinobransa

I rikuesta para i benefisiu siha (inklukluso reimbursement i gaston inadahan hinemlo) ni un fatinas osino iyo-mu inadahan hinemlo [man pribeniniyi](#) guato gi iyo-mu siguridat hinemlo osino [planu](#) para kosas siha osino setbisiu siha nai un hasso na man ma kobre.

Coinsurance

I patte-mu ni gasto siha para i ma kobre na setbisiun inadahan hinemlo, ma katkula kumo pot sento (pot ehemplo, 20%) sigun gi [ma sedi na kinantida](#) para i setbisiu. Gi enerat hagu para un apasi i coinsurance [yan lokkue](#) palu [deductibles](#) hagu didibi. (Pot ehemplo, yanggen i [siguridat hinemlo](#) osino [iyon planu](#) ha sedi kinantida para un bisinitan ofisina sa \$100 ya esta un fakcha'i iyo-mu [deductible](#), iyo-mu apas coinsurance ni



20% siempre mu \$20. I [siguridat hinemlo](#) osino [planu](#) ha apapasi i pumalun i ma sedi na kinantida.)

Chinaflek i Minapotgi Siha

Kondision siha ginen minapotgi, labor, yan maniago nai ginagagao inadahan medikat para tinagam seriuso na hinatme kontra i hinemlo i nana osino i fetus. Minalangun oga'an yan i ti-dangkulo na desgrasia na seksionan caesarean gi enerat ti chinaflek i minapotgi.

Copayment

I petmanenti na kinantida (pot ehemplo, \$15) un apasi para ma kobre na setbisiun inadahan hinemlo, gi sesso yanggen un risibi i setbisiu (guaha ni ma fana'an "copay"). I kinantida sina ti parehu sigun gi klasen i ma kobre na setbisiun inadahan hinemlo.

Pinatten Gasto


Iyo-mu patten i gasto siha para setbisiu siha nai i [planu](#) ha kokobre nai debi un apasi san hiyong i boksa-mu (guaha ni ma fana'an "san hiyong-i-boksa na gasto siha"). Palu ehemplo pot pinatten gasto sa [copayments](#), [deductibles](#), yan [coinsurance](#). Familia na pinatten gasto sa i pinatten i gasto para [deductibles](#) yan [san hiyong-i-boksa](#) gasto siha hagu yan i asagua-mu yan/osino patgon(sih) debi ma apasi san hiyong i boksa-mu. Otro gasto siha, inklukluso iyo-mu [premiums](#), mutta siha ni hagu debi na un apasi, osino i gasto para inadache i [planu](#) ti ha kobre sesso ti ma konsidera na pinatten gasto.

Rinibahan Pinatten-Gasto

I discounts ni mu ribabaha i kinantida para un apasi para katkuet setbisiu siha ni ma kobre nu i indibiduat [planu](#) un fahan sigun gi [Marketplace](#). Sina hao manuli discount yanggen iyo-mu nina'halom salappi sa tatpapa katkuet estao, yan un ayek i Silver na estao planun hinemlo osino yanggen membru hao gi rekognisan-federat na katdumi, ya inklukluso i shareholder gi halom i Alaska Native Claims Settlement Act na koperasion.

Deductible

I kinantida sina kasi un didibi durant in tiempon kinobre (sesso un ano) para ma kobre na setbisiun inadahan hinemlo siha antes di iyo-mu [planu](#) ha tutuhon man apasi. I kinabales deductible aplikao para todun osino kanaha' todun i man ma kobre na kosas siha yan setbisiu siha. I [planu](#) yan i kinabales deductible sina lokkue gai separao na deductibles nai aplikao para spesifiku na setbisiu siha osino gurupon setbisiu siha. I [planu](#) sina lokkue gai solamente separao na deductibles. (Pot ehemplo, yanggen iyo-mu deductible sa \$1000, iyo-mu planu taya para u apasi esta ki un fakcha'i iyo-mu \$1000 na deductible para ma kobre na setbisiun hinemlo siha sasaonao gi deductible.)



Diagnostic Test

Tests para uma ditetmina hafa iyo-mu problema gi hinemlo. Pot ehemplo, i x-ray sina ma fa diagnostic test para uma li'e kao guaha hao mahlok tolang.

Fitme na Trastes Medikat (DME)

Trastes yan sinopluka siha ni man ma oda nu i inadahan hinemlo [man pribeniniyi](#) para kada dia osino ma ekstendi na usu. DME sina inkluso: trastes oxygen, wheelchairs, yan baston siha.

Kondision Medikat Dangkulo na Desgrasia

I minalangu, chini'ot, symptom (inklukluso atdit na puti), osino kondision ni gai inatdit para u atrebi seriusu na piniligr kontra iyo-mu hinemlo yanggen ti man risibi hao atension medikat insigidas. Yanggen ti man risibi hao insigidas atension medikat sina gi risonabli un ekspekta uno gi entre esti siha man tatatti: 1) Iyo-mu hinemlo siempre humuyong seriusu na piniligr; osino 2) Hagu siempre gai seriusu na problema siha yan i fungsion i tataotao-mu siha; osino 3) Hagu siempre pumadesi seriusu na yinilang kontra palu patte osino organ i tataotao-mu.

Transpottasion Medikat Dangkulo na Desgrasia

Setbisiun ambulance siha para i [kondision medikat dangkulo na desgrasia](#). Klase siha na transpottasion medikat dangkulo na desgrasia sina inkluso transpottasion gi airi, tano, osino tasi. Iyo-mu [planu](#) sina ti ha kobre todun klase na transpottasion medikat dangkulo na desgrasia, osino sina ha apasi ditdi ha para katkuet klase siha.

Inadahan Apusenton Dangkulo na Desgrasia / Setbisiun Dangkulo na Desgrasia Siha

Setbisiu siha para kine'sotda i [kondision medikat dangkulo na desgrasia](#) yan u trata hao para un manteni un [kondision medikat dangkulo na desgrasia](#) para munga na u gof atdit. Esti siha na setbisiu sina man ma pribeniyi gi halom i ma lisensia na iyon hospitat apusenton dangkulo na desgrasia osino otro lugat

nai man pribeniniyi inadahe para [kondision medikat dangkulo na desgrasia siha](#).

Ma Ekskluso na Setbisiu Siha

Setbisiun inadahan hinemlo nai iyo-mu [planu](#) ti ha apasi para osino ha kobre.

Formulary

Un listan amot siha iyo-mu [planu](#) ha kokobre. I formulary sina inkluso taimanu na minegai iyo-mu patte gi gasto para kada amot. Iyo-mu [planu](#) sina ha pega i amot siha gi difrentis [pinatten-gasto](#) estao siha osino aligi siha. Pot ehemplo, i formulary sina inkluso generic na amot yan aligin amot brand na na'an siha yan difrentis [pinatten-gasto](#) kinantida siha siempre man aplikao gi kada aligi.

Pinadesi

I kinaha ni un sangani guato iyo-mu siguridat hinemlo osino [planu](#).

Setbisiun Habilitation Siha

Setbisiun inadahan hinemlo siha nai ha ayuda i petsona mu manteni, eyak osino na maolek mas i pinayon siha yan fungsion siha para kada luma'la kada dia. Ehemplo siha inkluso therapy para i patgon nai ti sina mamokkat osino kumuentos gi ma ekspekta na idat. Esti siha na setbisiu sina inkluso fisikat yan occupational therapy, sinangan-linguahi na pathology, yan otro setbisiu siha para taotao ni man gai tinai setbi siha gi halom megai klase na inpatient yan/osino outpatient na finatinas siha.

Siguridat Hinemlo

I kontrata nai ha gagaogao i siguridat hinemlo para u apasi palu osino todun iyo-mu gaston inadahan hinemlo siha para tulaikan-na i [premium](#). I siguridat hinemlo sina lokkue ma fana'an i "policy" osino "[planu](#)."

Guma na Inadahan Hinemlo

Setbisiun inadahan hinemlo siha yan sinopluka siha nai un chuli ginen iyo-mu guma gi papa i otdin i doktu-mu. Setbisiu siha sina kasi my pribeniniyi nu i infetmera siha, therapists, man fafa'cho'cho' sosit, osino otro ma lisensia na inadahan hinemlo [man pribeniyi siha](#). Guma na inadahan hinemlo sesso ti ha inkluso ayudu yan ti-medikat na kinalamten siha, tat kumo mu nalago, mu nagasgas, osino man draiba.

Setbisiun Hospisia Siha

Setbisiu siha para man pribeniyi kinonsuela yan supotasion para petsona siha gi halom i uttimo satgin i terminal na minalangu siha yan i familia-niha siha.

Hospitalization

Inadahe gi halom hospitat nai ha gagaogao atmision kumo inpatient yan sesso ha gagao tulanoche na sinaga. Palu [planu siha](#) siha ma konsidera i tulanoche na sinaga para pinilan kumo outpatient na inadahe ya ti inpatient na inadahe.

Outpatient Hospitat na Inadahe

Inadahe gi halom hospitat nai sesso ti ma gagao i tulanoche na sinaga.

San halom-i-network na Coinsurance

Iyo-mu patte (pot ehemplo, 20%) gi [ma sedi na kinantida](#) para ma kobre na setbisiun inadahan hinemlo siha. Iyo-mu patte sa sesso tatpapa para ma kobre na setbisiun in-network siha.

San halom-i-network na Copayment

I petmanenti na kinantida (pot ehemplo, \$15) un apasi para ma kobre na sebisium inadahan hinemlo guato [man pribeniniyi siha](#) ni kumontrata yan iyo-mu [siguridat hinemlo](#) osino [planu](#). In-network copayments sesso man tatpapa kino i [san hiyong-i-network na copayments](#).

Marketplace

I Marketplace para [siguridat hinemlo](#) nai indibiduat siha, familia siha yan man dikiki na bisnis siha sina ma eyak pot iyo-niha [planu](#) opsiun siha; kompara planu siha sigun gi gasto siha, benefisiu siha yan otro impottante na figura siha; aplika para yan risibi ayudun fanansiat yan [premiums](#) yan [pinatten gasto](#) sigun gi nina'halom salppi; yan ayek un [planu](#) yan saonao halom gi kinobre. Lokkue ma tungo-na kumo i "Exchange." I Marketplace mana falalago nu i estado gi halom palu estado siha yan sigun gi i gobetnamenton federat gi halom otro siha. Gi halom palu estado siha, i Marketplace lokkue ha ayuyuda man nombrayon na man fahaman man saonao halom gi otro programa siha, inklukluso Medicaid yan i Children's Health Insurance Program (CHIP). Guaha gi online, gi tilifon, yan in-person.

Mas Tatkilo na Limiten San Hiyong-i-boksa

Kada sakkan na kinantida i gobetnamenton federat ha fatitinas sa i mas kada indibiduat osino familia sina man ma gagao para uma apasi gi halom [pinatten gasto](#) durantin i [planu](#) sakkan para ma kobre na, in-network setbisiu siha. Aplikao para kanaha' todok klase siha na hinemlo [planu siha](#) yan siguridat. Esti na kinantida sina kasi tatkilo-na kino i [limiten san hiyong-i-boksa siha](#) ma sangan para iyo-mu [planu](#).

Nesario Pot Medikat

Setbisiun inadahan hinemlo siha osino sinoplika siha ni man ma nisisita para ma tagam, diagnose, osino trata i minalangu, chini'ot, kondision, chetnot, osino iyo-na symptoms, inklukluso habilitation, yan uma fakcha yan i ma aksepta standado siha pot amot.

Mas Tatpapa na Kinobren Esensiat

Mas tatpapa na kinobren esensiat enerat ha inklukluso [planu siha](#), [siguridat hinemlo](#) guaha sigun gi [Marketplace](#) osino otro indibiduat na market policies, Medicare, Medicaid, CHIP, TRICARE, yan palu otro kinobre. Yanggen nombrayon hao para palu klase na mas tatpapa na kinobren esensiat, sina siempre ti nombrayon hao para i [premium tax credit](#).

Standadon Mas Tatpapa na Binale

I fondamento na standado para ma midi i pot sento i ma sedi na gasto siha nai i [planu](#) ha kokobre. Yanggen ma ofresi hao amo na [planu](#) nai ha apapasi para pot menus 60% i totat ma sedi na gasto i benefisiu siha, i [planu](#) ha ofrefresi man tatpapa na binale yan sina hao ti kualifikao para [premium tax credits](#) yan [rinibahan pinatten-gasto siha](#) para un fahan i [plan](#) ginen i [Marketplace](#).

Network

I fasilitat siha, [man pribeniniyi siha](#) yan taotao sinoplika iyo-mu siguridat hinemlo osino [planu](#) esta ha uma kontrata para u pribeniniyi setbisiun inadahan hinemlo siha.

Man Pribeniniyi Network (Preferred na Man Pribeniniyi)

I [man pribeniniyi](#) nai gai kontrata yan iyo-mu [taotao siguridat hinemlo](#) osino [plan](#) nai esta ha konsenti para u pribeniniyi setbisiu siha para membru siha gi [planu](#). Siempre ti megai para un apasi yanggen un usa i [man pribeniniyi](#) gi halom i [network](#) Lokkue ma fanana'an "preferred na man pribeniniyi" osino "patisipao na man pribeniniyi."

Orthotics yan Prosthetics

Petna, tronkon kanai yan otdas aga'ga, ti kado'kado' na petna sina, tronkon kanai siha, yan atadok siha, yan san hiyong na prostheses para susu dispues di i mastectomy. Esti na setbisiu siha inkluso: tinulaika, rinipeha, yan nina'nuebo siha ma gagagao sa pot i yinilang, inusa, minalingu, osino i matulaika gi iyon i patient fisikat na kondision.

San Hiyong-i-network na Coinsurance

Iyo-mu patte (pot ehemplo, 40%) gi [ma sedi na kinantida](#) para ma kobre na setbisiun inadahan hinemlo guato [ma pribeniniyi siha](#) nai ti makontrata yan iyo-mu [siguridat hinemlo](#) osino [planu](#). San hiyong-i-network na coinsurancesesso ginasta hao mas ki [san halom-network na coinsurance](#).

San hiyong-i-network na Copayment

I petmanenti na kinantida (pot ehemplo, \$30) un apasi para ma kobre na sebisium inadahan hinemlo ginen [man pribeniniyi siha](#) nai ti [ha](#) kontrata yan iyo-mu [siguridat hinemlo](#) osino [planu](#). San hiyong-i-network na copaymentssesso man mas ki [san halom-i-network na copayments](#).


San hiyong-i-network na Man Pribeniniyi Network (Preferred na Man Pribeniniyi)

I [man pribeniniyi](#) nai tai iyo kontrata yan iyo-mu [planu](#) para u pribeniniyi setbisiu siha. Yanggen iyo-mu [planu](#) ha kokobre san hiyong-i-network na setbisiu siha, siempre hao sesso man apasi mas para un li'e i san hiyong-i-network na man pribeniniyi ya ti i [preferred na man pribeniniyi](#). Iyo-mu policy siempre ha eksplika hafa ayu na gasto siha. Sina lokkue ma fana'an "non-preferred" osino "non-participating" ya ti i "san hiyong-i-network na man pribeniniyi."

Limiten San Hiyong-i-boksa

I mas hagu *para un* apasi durant in i tiempon kinobre (sesso un sakkan) para iyo-mu patten i gasto siha para ma kobre na setbisiu siha. Dispués di un fakcha'i esti na limite i [planu](#) siempre sesso ha apasi 100% i [ma sedi na kinantida](#). Esti na limite ha ayudadayi hao man planu para

gaston inadahan hinemlo siha. Esti na limite ni ngai'an ha inklukluso iyo-mu [premium](#), [balansia-ma kubransa](#) tinigon siha osino inadahan hinemlo iyo-mu [planu](#) ti ha kokobre. Palu [planu siha](#) ti ma tufong todú iyo-mu [copayments](#), [deductibles](#), [coinsurance](#) apas siha, sin hiyong-i-network na apas siha, osino otro gasto guato esti na limite.



Setbisiun Physician Siha

Setbisiun inadahan hinemlo nai i ma lisensia na physician medikat, inkluso i M.D. (Doktun Medikat) osino D.O. (Dokton Amot Osteopathic), ha pribeniniyi osino ha arerekla.

Planu

Kinobren hinemlo ni ma na'e hao direkto (indibiduat na planu) osino ginen i amo, union osino otro representatibon gurupu (plan gurupon amo) nai man pribeniniyi para katkuet gaston inadahan hinemlo siha. Lokkue ma fanana'an "planun siguridat hinemlo," "policy," "siguridat hinemlo na policy," osino ["siguridat hinemlo."](#)

Preauthorization

I disision ginen iyo-mu siguridat hinemlo osino [planu](#) nai i setbisiun inadahan hinemlo, plan trinata, [prescription na amot](#) osino [fitme na trastes medikat \(DME\)](#) sa [nesesario pot medikat](#). Guaha na biahe ma fana'an "prior authorization," "prior approval," osino "prescertification." Iyo-mu [siguridat hinemlo](#) osino [planu](#) sina ha gagao preauthorization para katkuet setbisiu siha antes di un risibi siha, lao solo gi halom dangkulo na desgrasian. Preauthorization ti promesa iyo-mu [siguridat hinemlo](#) osino [planu](#) para u kobre i gasto.

Premium

I kinantida nai debi uma apasi para iyo-mu [siguridat hinemlo](#) osino [planu](#). Hagu yan/osino iyo-mu amo sesso umapasi kada mes, kada tres mesis, osino kada sakkan.

Premium Tax Credits

Ayudun fanansiat nai ha na tatatapapa iyo-mu reditu siha para u ayuda hao yan iyo-mu familia man apasi para praibet [siguridat hinemlo](#). Sina un chuli esti na ayudu yanggen manuli hao [siguridat hinemlo](#) ginen i [Marketplace](#) yan iyo-mu nina'halom salappi gaigue papa i katkuet estao. Abansa na apas siha ginen i tax credit sina ma usa insigidas para u na tatapapa iyo-mu kada mes [premium](#) na gasto siha.

Kinobren Prescription na Amot

Kinobre gi papa i [planu](#) nai man ayuyuda man apasi para [prescription na amot siha](#). Yanggen iyon planu [formulary](#) ha u'usa "aligi siha" (estao siha), prescription na amot siha man ma gurupu todú sigun gi klase osino gasto. I kinantida na para un apasi sigun gi [pinatten gasto](#) siempre difrensiao para kada "aligi" gi ma kobre [prescription na amot siha](#).

Prescription na Amot Siha

Amot siha yan medikasion siha nai sigun gi lai ha gagagao i prescription.

Inadahan Tinagam (Setbisiun Tinagam)

Dipotsi na inadahan hinemlo, inkluso [screenings](#), check-ups, yan kinonsuelan patient, para u tagam osino diskobre minalangu, chetnot, osino otro probleman hinemlo siha.

Physician Inadahan Prinsipat

I physician, inkluso i M.D. (Doktun Medikat) osino D.O. (Dokton Amot Osteopathic), ha pribeniniyi osino ha arerekla i ramu yan setbisiun inadahan hinemlo para hagu.

Man Pribeniniyi Inadahan Prinsipat

I physician, inkluso i M.D. (Doktun Medikat) osino D.O. (Dokton Amot Osteopathic), practitioner na infetmera, specialist infetmeran klinikat, osino tentago physician, taigui ha i ma sedi gi papa lai estado yan tetmiu siha sigun gi [planu](#), nai ha pribeniniyi, ha arerekla, osino ayuyuda hao humalom gi ramun setbisiun inadahan hinemlo siha.

Man Pribeniniyi

I indibiduat osino fasilidat ni man pribeniniyi setbisiun inadahan hinemlo siha. Palu chemplo siha pot i man pribeniniyi inkluso i doktu, infetmera, chiropractor, tentago physician, hospitat, sentrun surgical, fasilidat pinayon infetmera siha, yan sentrun rehabilitation. I [plane](#) sina ha gagao i man pribeniniyi para uma lisensia, setifika, osino ma accredited taigui ha ma gagao ni lai estado.

Reconstructive Surgery

Surgery yan follow-up na trinata ma nisisita para uma na dinanchi osino maolek mas i patte gi tataotao sa pot difekton finaniago siha, aksidente siha, chini'ot siha, osino kondision medikat siha.

Riniferi

I ma tugi na otdin ginen iyo-mu [man pribeniniyi inadahen prinsipat](#) para un li'e i [specialist](#) osino fanuli katkuet setbisiun inadahen hinemlo siha. Gi halom megai na otganisasion minantenin hinemlo siha (HMOs), un nisisita para un chuli i riniferi antes di un risibi setbisiun inadahen hinemlo siha ginen maseha hayi fuera di iyo-mu [man pribeniniyi inadahen prinsipat](#). Yanggen ti manuli hao riniferi fine'nena, i [planu](#) sina kasi ti u fan apasi para i setbisiu siha.

Setbisiun Rehabilitation Siha

Setbisiun inadahen hinemlo siha nai ha ayuyuda i petsona mu manteni, chuli tatte, osino na maolek mas i pinayon siha yan fungsion para luma'la kada dia nai esta man malingu osino chetnudan sa pat i petsona malangu, puti, osino tinai setbi. Esti siha na setbisiu sina inkluso fisikat yan occupational therapy, sinangan-linguahi na pathology, yan setbisiun psychiatric rehabilitation siha halom megai klase na inpatient yan/osino outpatient na finatinas siha.

Screening

I klasen i [inadahen tinagam](#) nai inklukluso tests osino exams para uma sotka i gumaigen hafkao, sesso ma chogue yanggen taya hao symptoms, seniat siha osino prevailing na historian medikat nu i chetnot osino kondision.

Inadahen Man Meying na Infetmera

Setbisiu siha ma chogui osino ma pulan nu i ma lisensia na infetmera siha gi halom i guma-mu osino gi halom guma infetmera. Inadahen pinayon infetmera sa *ti* parehu yan "setbisiun inadahen pinayon siha," ya man setbisiu siha ma chogui nu i therapists osino technicians (ya ti i ma lisensia na infetmera siha) gi halom guma-mu osino gi halom guma infetmera.

Specialist

I [man pribeniniyi](#) nu mu atitutuyi i spesifikat maneran i amot osino i gurupun patient siha para u diagnose, maneha, tagam, osino trata katkuet klasen symptoms yan kondision siha.

Specialty na Amot

I klasen i [prescription na amot](#) nai, gi enerat, ha gagagao special na minanteni osino ongoing monitoring yan assessment nu i inadahen hinemlo na profesionat, osino gai minapot ma latngos. Gi enerat, specialty na amot siha i mas man guaguan na amot siha gi [formulary](#).

UCR (Sesso, Kustombre yan Risonabli)

I kinantidan i ma apasi para setbisiun medikat gi halom i geographic na lugat sigun gi hafa i [man pribeniniyi siha](#) gi halom i lugat sesso ma tugon para parehu ha' osino gai pinarehi na setbisiun medikat. I kinantidan UCR guaha na biahi ani ma usa para um detetmina i [ma sedi na kinantida](#).

Apurao na Inadahe

Inadahe para i minalangu, chini'ot, osino kondision nai gof seriousu na i risonabli na petsona siempre man aligao inadahe insigidas, lao ti gof atdit ya ti ginagao [inadahen apusenton dangkulo na desgrasia](#).

Taimanu Hagu yan Iyo-mu Taotao Siguridat Para In Patte Gasto Siha - Ehemplo

Iyon Jane Planun Deductible: \$1,500

Coinsurance: 20%


Limiten San hiyong-i-Boksa: \$5,000

Enero 1st

Tinituhon i Tiempon Kinobre

Deseembre 31st

Uttimon i Tiempon Kinobre



Si Jane ti ha taka iyo-na \$1,500 deductible trabiha

Iyo-na planu ti ha apapasi maseha hafa na gasto siha.

Gaston binisitan ofisina siha: \$125

Si Jane ha apapasi: \$125

Iyo-na planu ha apapasi: \$0



Si Jane ha taka iyo-na \$1,500 deductible, coinsurance ma tutuhon

Si Jane esta ha li'e i dokto kuantos biahi ya ha apasi i \$1,500 na totat, ya ha taka iyo-na deductible. Pues iyo-na planu ha apapasi palu gi gasto siha para iyo-na mamaila na binisita.

Gaston binisitan ofisina siha: \$125

Si Jane ha apapasi: 20% i \$125 = \$25

Iyo-na planu ha apapasi: 80% i \$125 = \$100



Si Jane ha taka iyo-na \$5,000 limiten san hiyong-i-boksa

Si Jane ha li'e i dokto sesto yan ha apasi \$5,000 gi total. Iyo-na planu ha apapasi i entero gaston iyo-na ma kobre na setbisiun inadahan hinemlo siha para tetenan i sakkan.

Gaston binisitan ofisina siha: \$125

Si Jane ha apapasi: \$0

Iyo-na planu ha apapasi: \$125

PRA Disclosure Statement: According to the Paperwork Reduction Act of 1995, no persons are required to respond to a collection of information unless it displays a valid OMB control number. The valid OMB control number for this information collection is **0938-1146**. The time required to complete this information collection is estimated to average **0.02** hours per response, including the time to review instructions, search existing data resources, gather the data needed, and complete and review the information collection. If you have comments concerning the accuracy of the time estimate(s) or suggestions for improving this form, please write to: CMS, 7500 Security Boulevard, Attn: PRA Reports Clearance Officer, Mail Stop C4-26-05, Baltimore, Maryland 21244-1850.